

LA USC DI LADINS – VENERDÌ 4 OTTOBRE 2013

♦ La troht, l quant da sandi

La mostra de fotografies tl Tublà da Nives vën giaurida duman sada ai 5.10. dala 5 domesdi

I sandis univa vivui da nosc antenac cun gran sentiment religëus y denità. N se ncunfertova a pudëi tré sëura l quant dala gherdëina, dantaldut pra la gran festes y la pruzescions. La bela troht dala gherdëina fej pert de nosta cultura y identità y la mostra de fotografies tl Tublà da Nives uel mustré su chësta particularità culturela.

La Lia culturela Tublà da Nives de Sëlva mët a jì chësta mosta de fotografies n cunlaurazion cun l Cunsëi de furmazion y l Cunsëi de Pluania de Sëlva y cun la Lia Cultura y Usanzes.

La giaurida dla mostra sarà duman sada ai 5 de utober, dala 5 domesdi, te Tublà da Nives. La resterà davierta nchin ai 3 de nuvëmber, dal lunesc al venerdì, dala 15.00 - 18.00 y de dumënia danmesdi dala 10.00 - 12.00. De sada resta la mostra stluta. La ntreda ie debant.



Jëunes dala gherlanda spiza pra na pruzescion te Sëlva. (Foto: Ufize per media audiovisifs – Bulsan)